

1150



秋潭外集卷第九

尺

九

長陽彭淑

秋潭

趙竹岡

竹匠詞丈閣下淑拓落西江二十餘載知有閣下者且  
 十年碌碌風塵無緣得邀良覲自念低頭為吏塵容俗  
 狀海內舊雨祇蒙憐惜硜硜小人幸不遭其捐棄耳至  
 如心所嚮往雄駿君子如閣下者亦未一二數既乖志  
 尚徒抱相思不意山水遼邈俗吏骯髒閣下迺肯惠然  
 見訪平生杯酒傾吐殆盡二三子落落天涯必不意淑  
 之有此樂也年三十一駕思詠彌深



故喜新遂日不<sub>良</sub>止擬一二日

フナイ

手函啓緘亟讀纏繚往復乃復蕭條高寄其言天下學  
人弊在於寡情真今日士大夫鍼砭嗟乎僕志節不  
立雖與物未嘗無情然抑遏鬱勃其萌芽不過時如斜  
出之筍少晦以其高潔雄深之韻寄於著述其一往有  
深情猶有待於識者吾觀閣下氣如龍虎才如干鏌巨  
魚從壑鴻毛遇風以其情往而致之天下使人油然而興  
其忠孝之心而翬然嚴其禮義之守精誠貫金石正氣  
炳日星事業在國史文章地天下吾有望於閣下知少  
晦亦必許爲知言也淑於<sub>生</sub>六蟲之音耳承閣下過爲

傾倒其舉似數聯皆世人所<sub>可</sub>笑者吾昔得於少晦今  
又得於閣下昌黎云人生如此自可樂何必在我獻子  
佩時來示數聯并惠贈兩章味之彌旨以年來憂患之  
餘心靈汨沒未能走馬<sub>車</sub>尋當攜尊詣談聊樂一日  
兒子幸早曾拜侍淑垂老無聞方當以渠輩奉託承摯  
愛將視淑爲袁絲淑都無佗長但以馬齒之長輒爲諸  
君子之兄亦不愧乎彭澤道州一聯乃願學未能者愧  
苟愧荷使至方判事答函不及草草馳役得安不具

附原書

敬襄頓首作

齋得遂十餘

足之<sub>ム</sub>合<sub>ニ</sub>レ

言論及讀

少晦二書

口教

書

所欲出中心驚喜默歎知天下未嘗無同心之友患不能求又知人各以氣類相感敬襄與少晦遊處日淺問訊日稀然私心謂是好友中第一而先生亦與爲至交又怪生平遇楚中士大夫輒較投契如崑田先生是也浪遊數月身與影俱得遇先生此行爲不負矣歸後取大集細意讀之中間少晦所標舉比似皆爲允懌舟夜諱一篇洵尤沁入心脾就近作論之如使者心肝能奉主收軍廉恥可論兵罪言兵論宜今日更憶平生杜紫微苦何曾怨行役祇如元

是看山來此類數十聯之之志憂世之懷肫然在抱敬襄雖不甚知詩有以自知其決非阿好者嘗竊以爲天下讀書人之弊在於寡情卽以詩論詩本性情之說盡人知之及操筆伸紙情已不知何往非生而寡情殆有牽之牽於聲色固不足道然猶有情也牽於貨利而情或幾乎熄矣敬襄才具謏拙三不朽無可寘身明知應務元非易事而不免有垂涎朵頤之意三十初度時戲爲自序有云篷矢桑弧尙冀他日鉛刀之割洎四十述懷末句云終期一試鉛刀割便失東隅也此亦眇者不

自香



能忘情特于... 氏故不遣其... 出... 章門有句云... 月連陰水拍隄鳴蛙閣閣自天倪何  
人聽作應官鼓笑煞南朝孔稚珪今春旅居多暇就  
書肆中借閱春燈謎傳奇漫成數首有云倫常大處  
都云假傀儡場中恰認真多少銅絃兼鐵板不曾喚  
醒是癡人又已未送人作守西蜀有云願勸總戎勤  
舉職莫教風雅換弓刀七皆不足爲詩所以覩縷者  
緣傾倒深至古稱一披陳欲先生知敬襄之大概耳  
尊作氣體格律皆爲高妙無庸贅頌惟近體五言對  
句第一字七言對句第三... 有宜平而仄者如碧霞

古廟鄰好水好山畫不... 難求之於古似無此法  
山谷亦無之近吾鄉武寧... 盛詩中則閒有之往見  
少晦詩亦有嘗以爲疑及晤武寧諸友及少晦輒未  
暇及此想必有出乞先生一指示之爲幸敬襄更有  
請者自念年將半百同里同譜而外敍兄弟交惟少  
晦一人少晦亦非廣交遊者旣兄事先生先生長敬  
襄九齡鄉舉又幸同歲期援少晦之例以弟畜之成  
行大抵在二十日後公家事未易了萬乞勿拘形迹  
以枉駕爲禮願崇令德皓首爲期書不盡言敬襄載  
拜

白鷺書院山長吳種之一

幸奉周旋良深欽佩別來甫抵荒署卽下鄉相驗而彙  
銷所短尚在萬外俗吏塵勞之狀聞於閣下得毋訝此  
言從何而至耶楚氛甚惡以又奉調江西兵一千滋蔓  
難圖若之何而可吉水土風甚愧前哲卽能文之士亦  
難概見茲有諸生李建英乃弟前年所取士其人尚屬  
有志之士年來讀書石蓮洞因獨學無友負笈前來惟  
老允生引而進之弟將請於郡公俾得與在院諸生之  
列他日得有成就皆哲匠陶鑄之力也長夏盛暑伏惟  
道體吉綏以時可稍待涼爽必再踴躍下房一均也



布不具

吳白广

夏閒張古餘座上得接風裁甚符所聞也慰慰別後接到手函承寄課誦圖題詞一卷又長陽竹枝詞題跋一通日正束裝赴省垣未克私答八月初抵章門得外簾差事下旬出闈急裝言旋又未得過訪乃榜發足下無名豈宋五坦率抑迷日五色者固舊例也刻下想栖託好佳天氣爽晶容懷洒落左挾圖史右擁清娛黃花紫嶰之前綠酒紅燈之夜必多勝賞定益名章頗復能惠示否昨以先人合葬誌銘求古餘書石古餘言得弟札時閣下時在宦云云得一月工程伊人夢月近在一

一月廿四日  
石馳送楚中  
又專函求通籍意  
古餘必轉有所諉誣於閣下者當更圖泥首也古餘又  
言長陽竹枝詞欲重刊佳本試謀之閣下乞得善書另  
付梓人并以爲屬尚欲多求墨戲唯無佳紙便中先惠  
我數幅爲望弟作令之苦心勞無益目前正是進退維  
谷之時耳閣下何以教我

吳白广二

至日前接奉手緘竝承寄到初刻大集兩卷墨戲三幅  
貧兒暴富矣大集風雅正聲不名一體卓絕處撮有臨  
川珍章之勝爲之歎絕竊以爲今日聲詩濫觴極矣而  
其病有三以本色爲工者不知元白爲何人而譎言俚  
語隨手滿幅市兒窮子趨之若鶩其病也無學問以攷  
據爲能者不知韓蘇石鼓等作詩外尚有事在西涯樂  
府自是一種文字而生字僻書餽釘夸耀其高者猶注  
疏下則委巷小說耳其病也無性情若夫強押硬語爲  
臃腫輪囷之狀

公之野狐軀

涉寫作味淡聲和



之容豈王孟之其病也不知痛癢習下確駁無前  
極其才力之所至一舉而廓清之爲今日砥柱豈無意  
乎僕非知詩者又僕僕風塵爲俗吏縱口侈談知不滿  
高雅一笑也承諭作大集題跋少緩當報命長陽竹枝  
詞荷校刊愧謝愧謝

吳白广三

日前承枉顧雖得劇談信宿猶以別去大速殊增悵然  
適得手書并生篇讀之曠然洒然惟飾言處非僕所能  
當五月餘以來巨案紛如石署曾無五日目下駐阜田  
尚有月餘查辨病體支離何堪僕僕欲少偷閑又恐更  
易叢脞俗吏之苦真無可告語寓中稍閒聊佈數行并  
取大作和之殆蒹葭倚玉樹之比得書後二日接古餘  
札盛豔日前足下過敝署文酒之樂因并題二絕句兼  
用爲戲輒錄示左右知必爲一笑也序入新秋敬想栖  
託安勝馳溯淮

臣珍攝一切小宣言錄於左方涉

頓首

吳白广四

數月未通緘候深以馳想日之初三日展接手牋并奉  
到增刻大集及易題圖冊回環玩誦如披異寶名流雅  
集韋漑題襟來札所述使八增羨五言豪情雋旨生氣  
勃勃不減古作唯僕得之爲愧耳青崖蓮裳兩君初未  
得奉周旋遽蒙另寫別本點染題拂一洗俗吏塵容此  
雖諸君子高致正恐識者有刻畫無鹽之誚耳奈何奈  
何魯孝廉過文江傳語風帆順利逕赴廬陵日內弟到  
郡定得把晤也數月來弟諸凡棘手憲節又將按臨又  
窮又忙月底嘗不立門可以得良話耳所致楊少晦書



一函希爲送到，幸勿佈謝不宣。

脩靜山

上春數奉賜書，因便裁答，想得入司籤嗣，知新城之役。正月十日已經成行，伏審履任以來起居佳安，百凡暢遂，且慰懷仰。大兄忠孝性，以體用具備，雖屈在下僚，未嘗有幾微不平之色。所到之處，隨分自盡，所謂存心愛物於物，必有所濟者。弟固有以知之而信之矣。近狀若何，尚有以示我淑鹿鹿如常，深以不能去此雞肋爲恨。昨何舍親來攝郡事，援例呈請迴避，兼乞閑曹，卽請協辦奏銷，仍埒不能邀准。月來體中甚病，今亦復悶悶，唯以清查倉庫虧空，不得不合盤扎，山籍言三萬二千五

年之中弟僅能爾逢一半現已具稟乃當補詳待罪而已

上皇帝升遐得信以來寸中不勝悲痛既無可解於心又自傷生逢

堯舜而垂老無聞故也

今天子聖孝生知能忍能斷誠仁誠勇共歎一去中外肅清此誠我

國家億萬年無疆之休薄海內外無不額手稱慶者也豈不欲往畏我友朋弟與口雖卑位益當以晚節自勵昨日許秋巖以勗我者謹以告之閣下

昨得大倉王少寇述菴先生來札附云江西魯君仕驥新城進士其爲山西夏縣令潔已愛民一以陽明先生爲法所著古文甚爲醇雅不意三四年而遽沒其子孝廉嗣光亦能文新城距吉不遠足下若求其遺集及其子交之必有芥珀之投想見前輩愛恤人材并欲成就人材之至意祈兄便中覓其遺集寄我見其子爲道想念之意



脩靜山二

四月杪來章門耘圃方伯云閣下已經到省及詢之邱  
怡亭尚知未來而弟省垣僅五日是以未得候晤想念  
之懷至不可言蒲節後奉閣下併封兩次寄札捧讀之  
下興感垂念勤拳并稔起居住安居官行已進德無已  
歎服誠深迺來翰所推許不肖者過當失實愈增赧然  
然朋友相勗以德惟當日求寡過以期有以自立是閣  
下所以自撝抑而謬相推重之言弟藥石也近日所擬  
弟遷調之說於不肖本非所宜君子量而後入中心所  
惴惴者稍異於尺八且上游爲地擇人自有定見省中

好爲訛傳聞之使人愧怍閣下與心亭皆知弟者幸不必以此屬望人生衣食誠難且精力未衰固當有所執業是以浮沈一官苟圖祿俸州縣之難循分供職四字竭一生之力尙做不到自問有何好處而敢生缺望若以腐鼠之嚇視之則古之不以三公易其介者何人吾師乎其亦有以自處矣承寄山木凝齋二集名下無虛淵源有自會少暇得卒讀魯氏羣從何娓娓來逼人所致詩文俱有家法承誦點定弟何能有益於諸君子耶酷暑案簿紛如無能作答管候秋涼報之近刻及墨榻數種祈先爲寄去人檀學作文雖較前有長進然思路未開又喜於作詩亦是一病然亦不能甚禁也孫輩課讀暇足自娛大兒擬秋閒方令北上家閒兄弟署中上下大小俱託庇沮安邑中兩暘時若可卜豐登民情頗恬靜土風甚敝奈何閣下需次省垣早晚有所委否盛暑唯珍攝一切以慰鄙念



朱新建

久不奉手筆敬諗眠食安佳自公之餘想復有以自娛也趙晉齋年內想未能返陳九儀匡廬之游幾時來章門便望示知前承惠贈有正味齋葑菹淺山田園各詩集僅能繙閱一過大約皆能自立今日詩人中不能多得穀人以徐庾之縛才韻韓杜之正骨忍俊不禁善於用長洵近代之才子矣擇石齋集一出識者以爲今之山谷六十年詩人無出其右而此數君子者又各以其所能炫耀人寰兩浙文物僕誠心醉也

朱新建二

七月二十六日得來牋示悉省中近事一一豈勝感佩  
淑滯鈍迂拘自知安分守拙乃數蒙閣下獎飾令人愧  
死潤齋大守到省望卽賜知此是淑極懊悵事尚欲來  
省一晤謁耳廟學記所云不學而能者何以當來譽云  
云耶彌補調濟大賢相與以實心行實政又有我兄輩  
贊襄其間於以挽西江之頽風而扶翼  
聖天子維新之治誠千載一時也何快如之清秋氣爽  
敬想起居住佳安率此奉候不一



朱新建三

省垣回蓋旬日試事方竣彙銷襍款甫得出門接王寄  
廬來札卽爲郡行商二兄結已由府申送弟已有札致  
寄廬屬其奉視想已得寓目也署郡公方校士遂襄其  
役昨廿六回接閱賜緘伏承注念公望公才之戲可謂  
言語妙天下矣我兄純精比玉智慧侔珠理齋兄澄之  
不清淆之不濁領袖吾曹極一時之選若接踵風德上  
官自當妙選英俊若齒牙及僕但增忸怩蓋君子量而  
後入安分守己此淑之所自持者想知我者亦能鑑原  
耳

朱新建四

近者伏承特賜手書奉讀之下具見垂愛有加而獎飾  
逾分之處蓋以文爲戲用以笑樂亦足明其厚愛之情  
也承示時事一一以欣以懷中丞頃有信否淑體中比  
更增劇如何伏唯興居安佳慰念慰念數行祈垂覽不

一



朱新建五

兼旬未奉德音不勝懷仰之至春氣暄和伏審起居安  
佳百凡暢遂爲慰

大上鼎湖功成敷天悲慕淑生逢

堯舜而垂老無聞沈痛之懷如何可言

今天子仁孝生知能忍能斷誠仁誠勇共歎一去中外  
肅清此誠

國家無疆之休薄海內外臣民之福地天之徵此其時  
矣竊不勝大喜此事所關甚鉅非幸人之蓄禍者可竝  
論也昨因署府姻親呈請迴避未蒙允准惟是淑承乏

禾澤夕身 尺牘  
吉邑論年七載歷歲五週三萬二千僅能彌補一半地  
當孔道撐拒維艱中間三求告病四乞閒曹今又一請  
迴避皆未蒙憲鑑刻下且將彙銷辦出再當叩頭搏顙  
病骨支離名宦之心盡矣雖大計之年亦當舍此微官  
以圖稍延殘喘耳餘容續寄不宣

陳花南

章門快晤深慰平生一別數年祇勞馳溯中間一捧瑤  
章山川阻闊未能奉尺題於左右緬懷雅度所謂秋水  
伊人也伏稔年來栖託好佳起居安勝自公之暇著作  
等身才人到處爲山川增氣色西泠名勝先生盤薄其  
閒蘇白風流足可想見惜淑塵埃滿面不克饜飫清芬  
一供執鞭之役爲悵悵耳淑株守文江七年因頓勞苦  
不堪言狀昨冬謬附卓薦年內以漕事甚近上游不准  
卸手鈍秀才無一順利事眞爲可歎開春倘得取道杭  
城得邀良晤一罄積言眞覺神魂飛越也小兒試用浙



省昨來稟知得見長者荷蒙訓誨培植無不出於格外  
惟此子既失學又未諳世事尚懇吾兄以猶子視之時  
賜訓勉他日得學習上路其爲銘感寧有既耶述菴先  
生一代龍門主講敷文小峴先生風雅宗師秉臬浙省  
閣下方外司馬有以知其樂矣近日著作可得寓目否  
小峴先生惜淑未得仰瞻極其悵望之懷耳

趙保靖

五月中令弟自湘南旋吉展誦華牋遠勞記注并得具  
悉政履安佳百凡綏吉軍興旁午展措裕如逃聽不勝  
欣佩嗣從府閒得聞佳音知幃幄指縱渠魁就獲業經  
奉到

恩命晉秩

酬庸喜慰忭歡無言可喻伏唯先生世有哲人家傳治  
譜而久淹下邑蠢茲有苗外干羽者二載於茲亦云勞  
矣茲既殲其首惡諒可一勞永逸鵬遷鯤徙霞蔚雲蒸  
他日渤海之績定當汗青幅紙也弟承乏珂里已逾三

秋潭外集 尺牘  
載深維劣昧有忝名邦雖士民頗以拙誠相諒但德薄  
才疎殊復抱慚大雅爾邑中春收頗稔夏秋之交兼旬  
未雨秋種未免稍歉自七月底來時雨頻霑民氣極其  
安靜足以遠慰關念楚北賊氛弟里門一帶甚劇近二  
旬以來寂無音耗昕夕焦急公事竭蹶內顧倉皇羸億  
之軀誠不堪其憂耳惠寄多品輒以拜登無以侑函深  
切慚忤

秋潭外集卷第九終

秋潭外集卷第十

公牘一

長陽 彭 淑 秋潭

邵大守雙橋先生

竊照吉水同水鄉有監生王光祖卽王壯行者該犯先  
於一件橫征不息事周成遠具控羅祥瑞案內五十六  
年奉南昌府審詳王光祖身列成均不安本分包納錢  
糧復挾嫌主使妄控帶照在逃緝獲究明追照斥革從  
重另結又一件徇縱蔽冤事王建寅上控黃天照案內  
聲明王光祖在逃飭緝獲日另結又上年七月內王佐  
國具控王光祖兇毆一案曾經驗明王猷升已成篤疾



在逃未獲。旋據王佐國上控。臬憲屢奉檄飭嚴拏。查明歷次犯案。分別確究。通詳辨理。各在案。緣王光祖聚族而居。其地名曰楓江。一族七八百烟。分爲十餘村。該犯平時結連同族無賴之徒。藉爲羽翼。出入附從。武斷鄉曲。無惡不作。前縣朱令差役蕭明往該村。曾爲該犯毆傷其酗酒打架。包攬唆訟之案。更難枚舉。前陞府顏訪拏未獲。代縣事黃在郊奉府檄。差役朱朗十餘人往拘。亦被其打傷。職於五十八年八月內抵任。後備查各案。隨時察訪。該犯行爲情同光棍。節次密拏。非聞風遠遁。卽拒差逃脫。此王光祖歷次犯事。及未能速獲之原委。

也因思該犯不過一鄉曲棍徒。若果認真查拏。何難卽獲。誠恐從前各差稟詞。或有情弊。適本年六月初八日。該鄉六十一都會長保等具報。毆斃二命之案。查悉路徑。繞道由王光祖門首經過。帶壯役多人。陽示嚴拏。命案兇首在鄉究辦。將近該犯門首。陰使各役直入其家。當經捕獲。詎甫出村外。但聞鼓聲一起。卽有黨與百十餘人。各執棍棒。傷差五名。將王光祖奪去。迨職趨赴已逃入別村。同惡相濟。望門投止。勢難搜捕。隨獲王細牙等五名。適末豐來請相驗。因將前犯五名帶回研訊。其王殫風係下手傷差之犯。餘俱鼓噪奪犯之人。併據供。

出王安阜王令猷毓秀等多人赴永豐公旋隨於二十一日復至阜田墟暫住查辦命案仍親帶多役往該村查拏續行拘獲王安阜王年保王令猷王霽梅王云德王毓秀等十二名均係毆差奪犯之人伏查王光祖犯案累累擅敢設鼓糾眾職現註阜田離該村十餘里今已多日未獲若使得以漏網何以儆兇頑而昭懲創但非多拘該族黨與使其情急擒獻則該犯斷難弋獲若得營員帶兵五六十名前來以捕鹽爲名實得藉以爲聲援之用若其可行卽懇作札與叅戎商酌示辦查同水一鄉強悍大姓勝於該犯之族者尙有數處若此犯不獲滋蔓難圖必不止於該犯一族也是否有當伏候  
尊裁



邵太守二

王安阜等奪犯傷差一案爾時暫駐阜田就近督拏因目擊該鄉兇徒頗眾勢甚猖獗必得藉資兵威庶可速獲是以有移營撥兵協捕之請此實一時不得已之情茲旬日以來訪得首惡王光祖已經出境而餘黨亦盡皆潛匿現在購線懸賞坐落其族中生監并募其仇怨之家密訪查辦職隨於本月初七日旋署十一日奉批示一切竝蒙加札垂詢容俟得有該犯切實下落再行移請弁兵務期必獲已知會蔣叅府意見相同是刻下可暫緩兵捕矣

邵大守三

棍徒王光祖卽王壯行糾眾中途奪犯傷差一案十八日署丞何炳赴省之便會將現在購線懸賞查拏暫緩兵捕各情由具申嗣訪得王光祖逃至峽江縣屬邊星照家藏匿繼又潛往新喻多方購線懸賞三百兩并分途札致茲於二十二日接峽江寧令寄信經峽役多人跟尋踪跡已於十九日在新喻地方捕獲由新邑解至峽江現在收禁等語是此案巨惡已擒餘黨更可切實訊究從嚴究辦以儆兇惡惟王光祖黨與甚眾且由峽至吉必須附近該鄉經過又恐有意外之虞現在設法



多差兵役接解總期周密妥當勿致別生事端耳

邵方伯四

閣下開藩以來事事實心實力人所共見昨荷詢問以  
本年之款不准挪掩其舊有所短分年解補如帶徵之  
例劃清界限行卽將以入

奏此人所不能爲不肯爲也但州縣觀望者多今飭其  
將缺短據實開呈在自虧之人慮其少開在接受前虧  
之人又慮其多開卽責之各守而催限大速亦恐有不  
實不盡之處竊意能

奏展數月籌辦盡善庶爲一勞永逸之利夫利在公家  
則不利在私室者必多利在後日則不利在目前者必

衆故併爲一談牢不可破者勢也閣下公忠體

國何顧忌之有職自蒙垂詢再四思維實無以易此至於有應於存畱耗羨開銷者慮分年則耗羨虛懸應歸四年之費用無出不思四年旣劃清則四五月內五年地丁解到者較常年計當十倍是四年之耗羨雖虛五年之耗羨有餘似亦可以從長籌辦又有慮五年旣不挪移恐州縣亦未必肯全行報出以致私自侵挪此則惟須查其實短若干往年彙銷時挪若干新糧於何月日全完指數相責彼亦無從置喙矣至於鄰邑採買之例雲房先生實有見於病民之故痛切陳言但州縣若

於應採買之時穀價平減果用部價庫平紋銀民亦無辭也恭繹

上諭深悉不肖州縣或以短價或用元銀或藉以鉤致民財或不肖書役尅扣并用勸捐名色若蒙剴切敷陳有一於此一經告發照例辦擬且以此次買貯之後非平糶軍需報部者不得輒云採買違者究辦然則採買者當問其應否採買卽應採買者當問其是否部價果部價矣當問其曾否書役經手并有無加銀繳還之事此外卽採買無患矣鄰邑採買誠未見其可行以此上達



宸聰卽發部議亦必有斟酌庶幾大賢實心實政可以  
無掣肘之虞抑更有請者今日之事所難在得人士大  
夫錮蔽已深吏治骯髒久矣激勵廉恥懲創非材責之  
以其能行矜之以其可恕雖中才必將濯磨以期有用  
伏惟閣下上紓  
聖慮中協寅恭下惟人才嘉謨嘉猷職惟當敬謹遵行  
緣受知最深重荷逾格栽培又仰承虛懷下詢不揣愚  
昧輒有縷陳誠不足以少助高深且事多非所宜言望  
無明示以重罪戾不勝竦惕之至

差次上陝西上司

爲懇飭添斛分起量貯以重軍糈事竊照職領運二批  
軍米二萬石自九月十三至十月初三日全數抵興詢  
知頭批米石八月開兌至今未及一半蓋緣必有需米  
撥運之處然後船上過船是以每日量收不過四五百  
石或止一二百石昨見周守雖有添斛量入倉厥棧坊  
之語該縣與各委員延今不見遵辦伏思此次船隻由  
漢口直僱興安道路遠矣自夏涉秋江漢險阻鄖陽以  
上處處聞警沿途停泊探聽行走行逾半年始抵興郡  
時日久矣該船戶等以尋常月餘之程延至六月之久

其閒碎船漂米重者具報稍輕未報者不下六七十起而淹斃船戶水手頭二兩批已將二十餘人幸得到岸惟望早收今必俟撥運量收過船於該縣等固屬省便無如船戶日食久缺枵腹守候既無口糧難免盜食假如三四百船每船日需米一斗即日損三四十石以一月計之爲數若干以兩月計之爲數更若干今頭批兌完無期二批自須數月延候三批四批現已紛紛報到轉瞬皆齊依例守待不日不月短損米石恐不止如上年六千之數矣昨丁令與職言江西米石既無斛面若收貯轉撥升斗減耗經手豈免賠累梁委員之言亦然

然則該縣等何不直言每米一萬應加若干即可量收則職等通盤打算與其守候無時數百號船隻逐日耗消暗虧累百盈千不如明白加賠圖得公事妥速免委員暗中吞聲而又免陷船戶數百千人於罪戾以此請於江西上憲必蒙允從奈何吞吐其詞欲人仰體乎職聞之損人利己仁者不爲也損人而不利己智者不爲也今量米之處雖有四斛兩斛常閑或挑斥米色或推無船隻無非故意延挨其中口袋腳價抑或別有騰挪則不可知至於延挨日久則委員愈困船戶極窮米石虧短雖多其勢亦無從得銀折色入於糧台委員之手



和漢夕集 卷十  
且大憲奏請米石赴興存貯原屬預備善後之需成功在卽自然以凱旋不復需米爲幸豈有止圖推諉而拏舟等待延頸日望急需之來其居心何等耶夫在船之責任誠在於江西委員但江西陝西同一王土江西陝西之官同一

王臣今職等涉四五千里之遙經六七月之久艱難困苦僅而得達卽以主客而論亦應叨地主周全之惠今且反客爲主而使進不得急府實之輸退但有齎盜糧之懼天理人情恐未允協非特此也現今水潦已涸河身狹小日內米船已有數百餘號郡郭時刻戒嚴有如

羣賊倉卒可以踏船徑渡於斯之時非特失米之咎委員難於任受而縱賊過江之害該縣等能晏然已乎仰懇飭令將現在四斛實在趕收仍祈飭添四斛分起量貯庶米石得以收藏船隻無虞擁擠船戶數千百人得叨生命而職等十有餘人幸免隕越卽江西上憲同深佩戴矣

差次上江西各上司

職八月初八日於襄陽督押船隻分起前進因鄖陽以下漢水時刻漲發遷延日月鄖陽以上灘水逾險又值處處戒嚴奉文守候探聽行走更爲遲滯茲第一二起俱於九月中旬抵泊興安職督押於十月初三埽數到郡計船一百八十三號具報守候量收惟各船裝載自漢口赴興已逾半年口食嗷嗷惟望早收無如興郡公事未能如江西認真趕辦卽如滕王閣一帶收米時有十六張斛分起量收一日之內一起可收二千餘石是以每起二萬不過十日皆竣今興安日僅以兩斛量收



每日不過數百石或一二百石頭批八月開斛至今五十餘日收不及一萬二批必須守候頭批兌竣方可接量其意必待有需米撥運之處然後量收以船過船免其涉手不思停船守候每船卽只日食數升數百號每日卽須米數十石久久暗虧其累仍在江西同一公事安康縣不但如秦越之視而其損人利己之見居心更不可問也職前在宜城縣船戶謝一廷漂失米一百一十二石已經具報嗣於鄖縣屏風石地方壞船一隻船戶鄒再五漂失米九十三石猴子石壞船一隻船戶劉金齋漂失米九十石又於洵陽縣新灘壞船一隻船戶

鄧廷志漂失米一百二十三石二斗又於安康縣磊石灘壞船一隻船戶李天會漂失米一百一十六石計船五號共漂失米五百四十四石二斗均由各該縣勘驗通報在案其餘碰損短米三五石不等之船難以具報者不下五六十起而沿途淹斃船戶水手四批共有四十餘人竊職等涉歷艱險守候時日皆屬分所應然惟該船戶等窮困已極前日雖稟府請添斛分起量收上岸存貯大爲不然現在曲丞溫令已到俟一同再爲婉商其實四批船隻皆到興安江西公事均無貽悞今米在河下船滿江心城門時刻晝閉該地方官責任甚大

無奈其見小沓泄何也

寄諸同寅

淑於四月二十四日至武昌換船一百八十餘六月一  
日溯漢水進發二十四日泊襄樊七月十日進發十七  
日至老河口以八月十日進發二十四日至鄖陽九月  
一日進發十月三日埽數齊幫至於興安全舟沈沒者  
五碰損者六十淹斃船戶水手十襄樊老河口添換船  
隻四十餘愛米如珠愛船戶水手如家人懲治不肖匪  
類如讎樊城以上灘石險惡不可名狀加以泡沙之來  
忽然無端日虞不測自鄖以上處處戒嚴乃九月十三  
至於白河先一日白河令遇害於是白河居民男婦老



弱爭舟搶渡沿漢北一帶數十里或以片席蹲身如雁  
戶或蹠踞巖广如猿狖望之傷慘大帥傳牌江西米船  
令探聽行走舟人牽百丈足履巉巖目視山巔一人露  
影百夫磨驚其險也如此辛苦得達以爲得依主人乃  
彼郡縣者面目冰涼公事雪淡委員日備飲饌擡送公  
館踧踏上食振獨簋盞無下箸處其意必待有撥運之  
處然後船上過船受米之色皆甚不願是可怪也頭批  
開兌今五十餘日僅及萬石淑到白府請添斛分起量  
收上岸收貯則笑又白船戶數千人日久窮苦之狀數  
百船日須米四五十石一月卽添虧一千五六百石則

聽之夷然不屑卽又聒而與之語云米在河下船滿江  
心城門時刻晝閉有如羣賊倉卒踏船徑渡搶米焚舟  
可若何則怫然有厭倦之色於是哄傳江西有怪物者  
至矣刻下四批皆到江西幸無貽悞責在彼地聽之而  
已淑自江西至襄陽得詩六十餘首將名之汎舟集又  
有日記已三卷八月七日舟發襄陽日旣夕忽狂飈從  
篷窗捲付波心遂擱筆至今脯資餽牽之旣竭棗糧屨  
屨其誰供萬石千艘經年累月秦人視之亦不甚惜其  
大致如此敝寓在撫州門外老弱數十口託居貴治淑  
瀕行無兩月之糧又無數金存畱方茲歲莫望閣下惠

秋潭外集  
公序  
一四  
假百金付於寓內俾免懸釜之見回日奉還一并伸謝也

秋潭外集卷第十終





